

## Ферм үвлд белдлгън

Приозерн района „Ергенин-ский“ совхозин негдгч номер-тә фермд малин 9 үвлзнъг бәәнә.

Эднә цугтаннь хуучи хаша-хаацнь ясгддж, мал орулхд белн болсн деер, малин үвләр гарсн төл орулдг гурвн шин катг тосхгдв. Энүнд шундж көдлцхәснь Лиджин Серә, Барга Гәрә, Бухин Дордж, Бадмин Кару болн Мөнъкән Лидж.

Ода мал үвлзх газрур өвс зөөджәцхәнә. Өвс зөөлгънә бригадт нургълдж комсомоль-цнр болн комсомолд орад уга багъчуд көдлджәнә. Эдн хойр үвлзнъгд бүклднь өвсинь зөөгъад өгчкв. Энүнд йил-гъән сәәнәр көдлдж йовхнь тракторист Лиджин Федор. Эн, өдрә норман 150 процент күцәдж, Алдр Октя-брин 40-ч джилә өөниг сән диилвртә көдлмшәр тосхар чидлән нөл уга көдлджәнә.

ЭДӘН Муута.